

**Павлодар облысының білім басқармасы, Ақтоғай ауданы білім бөлімінің
«Бібырай Алтынсарин атындағы жалпы орта білім беру мектебі» КММ**

**2024-2025 оқу жылында
«Біртұтас тәрбие бағдарламасын іске асыру»
негізінде жүргізілген тәрбие жұмысына талдау**

ДТЖО: Раисова Т.С.

Мамыр, 2025 жыл.

**2024-2025 оқу жылында «Біртұтас тәрбие бағдарламасын іске асыру»
негізінде жүргізілген тәрбие жұмысына талдау**

Мектеп төлқұжаты:

1. **Мектептің атауы:** Павлодар облысының білім басқармасы, Ақтоғай ауданы білім бөлімінің «БІбырай Алтынсарин атындағы жалпы орта білім беру мектебі» КММ
2. **Мектептің жаңа ғимаратының салынған жылы:** 1975 жылы
3. **Мектеп директоры:** Дитц Руслан Яковлевич
4. **Білім беру тілі:** аралас
5. **Орналасқан жері:** Школьный көшесі, 35. Мектеп аумағында стадион орналасқан.
6. **Мектеп типі:** мектеп
7. **Оқушы саны:** 48

Мектептің тәрбие жұмысының кадрлық құрылымы.

Сынып жетекшілер	ДТЖО	Профилатик алық жұмыс бойынша ДТЖО	Аға тәлімгер	Әлеуметтік педагог	Логопед	Хореограф	Денсаулықты нығайту мұғалімі	Бастапқы әскери дайындық мұғалімі	Кітапханашы	Психолог
11	1	0	1	0	0	0	3	1	1	1

**Павлодар облысының білім басқармасы, Ақтоғай ауданы білім бөлімінің
«БІбырай Алтынсарин атындағы жалпы орта білім беру мектебі» КММ**

Көпбалалы отбасы	Балалар саны – 48 Отбасы саны – 37
Аз қамтылған отбасы	Балалар саны – 3 Отбасы саны – 2
Толық емес отбасы	Балалар саны – 8 Отбасы саны – 10 Әкесі жалғыз – 0 Анасы жалғыз – 10
Өгей әкесі немесе өгей шешесімен бірге тұратын балалар	Отбасында өгей әкелері бар балалар саны – 4 Отбасы саны – 4 Өгей аналары бар балалар саны – 0 Отбасы саны – 0
Жетім балалар мен ата-анасының қамқорлығынсыз қалған немесе патронат балалар	АҚҚБ (ОБПР) – 0 Жетімдер саны – 0
Ерекше білім беру қажеттіліктері бар балалар	Бала саны - 1
Мүгедек балалар	Бала саны - 2
Үйде оқытылатын балалар	Бала саны - 0
«Тәуекел тобы» есебіндегі балалар	0

Қазақстан Республикасы Оқу-ағарту министрлігінің «Біртұтас тәрбие бағдарламасын» іске асыру бойынша 2024-2025 оқу жылына арналған, «Қазақстан Республикасы Оқу-ағарту министрлігі» ММ №194 30.07.2024 жылғы бұйрығы негізінде. Павлодар облысының білім басқармасы, Ақтоғай ауданы білім бөлімінің «Ыбырай Алтынсарин атындағы жалпы орта білім беру мектебі» КММ КЕШЕНДІ ЖОСПАРЫ негізінде жасалған тәрбиенің жылдық жоспары жасалып, бекітілді.

Бағдарламаның Мақсаты: рухани-адамгершілік қасиеттерді, азаматтық жауапкершілік пен патриотизмді, парасаттылық пен адалдықты дамыту арқылы қазақстандық мәдениеттің құндылықтары негізінде білім алушының үйлесімді дамыған тұлғасын қалыптастыру.

Бағдарламаның Міндеттері:

- Рухани-адамгершілік қасиеттерді тәрбиелеу;
- Отанға, өз халқына, оның тарихы мен мәдениетіне деген сүйіспеншілікті қалыптастыру;
- Қазақстан Республикасының Мемлекеттік рәміздерін құрметтеуге тәрбиелеу;
- Адалдықты, әділдікті, мейірімділікті, қамқорлықты, мейірімділікті және басқа да адамгершілік қасиеттерді дамыту;
- табиғат пен қоршаған ортаға ұқыпты қарауды қалыптастыру.
- Азаматтық жауапкершілік пен патриотизмді дамыту;
- өз еліне деген мақтаныш сезімін және оның жетістіктерін тәрбиелеу;
- отбасы, қоғам және мемлекет алдындағы өз міндеттеріне саналы кәзқарасты қалыптастыру;
- өз құқықтары мен бостандықтарын, сондай-ақ басқа адамдардың құқықтары мен бостандықтарын қорғауға дайындықты дамыту;
- білім алушыларды әлеуметтік маңызы бар қызметке тарту.
- Парасаттылық пен адалдықты қалыптастыру;
- мінез-құлық пен басқалармен қарым-қатынаста адалдық пен әділдікке тәрбиелеу;
- өз іс-әрекеттері мен сөздері үшін жауапкершілікті дамыту;
- еңбекқорлық пен өзін-өзі жетілдіруге деген ұмтылысты қалыптастыру;
- басқа біреудің еңбегі мен мүлкін құрметтеуге тәрбиелеу.
- Білім алушының жеке басының үйлесімді дамуы үшін жағдай жасау;
- әрбір білім алушыны тәрбиелеу мен оқытуға жеке көзқарасты қамтамасыз ету.
- білім беру ортасында қолайлы психологиялық-педагогикалық климат құру.
- дарынды балалар мен ерекше білім беру қажеттіліктері бар балаларды қолдау;
- отбасын тәрбие процесіне тарту.

Білім беру ұйымдарында «Біртұтас тәрбие» бағдарламасын жүзеге асыру бойынша жұмыс жоспары Ұлттың жаңа келбетін қалыптастыратын құндылықтар:

- Қыркүйек – еңбекқорлық және кәсіби біліктілік айы
- Қазан – тәуелсіздік және отаншылдық айы
- Қараша – әділдік және жауапкершілік айы
- Желтоқсан – бірлік және ынтымақ айы
- Қаңтар – заң және тәртіп айы
- Ақпан – жасампаздық пен жаңашылдық айы
- Наурыз – тәуелсіздік және отаншылдық айы
- Сәуір – еңбекқорлық және кәсіби біліктілік айы
- Мамыр – бірлік пен ынтымақ айы

Әр айдың іс-шаралары

күнделікті

- «Ұлттық ойын – ұлт қазынасы»: үзіліс кезінде білім алушылардың бос уақытын ойын түрінде ұйымдастыру – асық, тоғызқұмалақ, бес тас және т.б.
- «Өнегелі 15 минут» – ата-аналардың баласымен мінез-құлық және адамгершілік туралы күнделікті 15 минут жеке әңгімелесуі.
- «Үнемді тұтыну» – суды, тамақты, энергияны тұтыну бойынша күнделікті табиғи ресурстарға ұқыпты қарауды қалыптастыру: жадынамалар, нұсқаулықтар мен парақшалар әзірлеу
- «Күй күмбірі» – қоңыраудың орнына күйді пайдалану, сондай-ақ үлкен үзіліс кезінде күй тыңдау

Апта сайын:

- «Менің Қазақстаным» – оқу аптасының басында бірінші сабақта білім алушылар Қазақстан Республикасының Әнұранын орындайды

- «Апта дәйексөздері» – бүкіл білім беру ұйымның оқу және оқудан тыс іс-әрекетінің лейтмотиві ретінде қызмет ететін мақал-мәтелдер, халық даналығы, көрнекті тұлғалардың ұлағатты сөздері. Аптаның дәйексөздері ақпараттық стендтерде, сынып тақталарында және т.б. орналастырылады.
- «Қауіпсіздік сабағы» – жол қозғалысы ережелерін, өмір қауіпсіздігі негіздерін зерделеу, білім алушылардың жеке қауіпсіздігін, қауіпсіз мінез-құлқын және т.б. сақтауы туралы сынып сағаты шеңберінде 10 минут ақпарат беру немесе әңгіме өткізу.

Жыл сайын:

- «Әншуақ» – білім алушылар арасында қазақ тіліндегі әндерді насихаттауға бағытталған балалар әндері фестивалін өткізу.
- «Ақындар айтысы» – Республика күнін мерекелеу қарсаңында жас ақындардың сайыстарын өткізу.ндағы Ұлттық білім академиясы
- Пікірсайыс турнирлері – қоғамда орын алатын проблемаларды жариялы түрде талқылау және талдау арқылы білім алушылардың әлеуметтік және шығармашылық белсенділігін арттыру үшін пікірсайыс ойындарын өткізу.
- Мектеп парламентінің президентін сайлау – қазан айының үшінші сенбісі.
- «Күй күмбірі» домбырашылар челленджі – Наурыз мерекесі аясында күйлер орындау (таңдау бойынша).

«ҚАМҚОР» ЖОБАСЫ

Мақсаты: әлеуметтік жобаларды жүзеге асыру арқылы құндылықтарды дәріптеу

- «Қоғамға қызмет ету» волонтерлік қызмет
- «Жер сағаты» экологиялық акция
- «Түлектердің ағаш егуі» экокеллендж
- «Табиғатқа қамқорлық жасаймыз» акция

«Қоғамға қызмет ету» волонтерлік қызмет

Көмек көрсетуді ұйымдастыру:

- аға буынға
- жануарларға
- қайта өңделген материалдар мен табиғат элементтерін байланыстырып құстарға ұя немесе жем шашар әзірлеу.

«ҚАМҚОР» жобасы аясында мектебімізде атқарылған іс-шаралар:

«Мектепке жол» акциясы аясында 2024 жылдың 1 тамызынан 27 қыркүйегіне дейін жалғасын тапты. Алдымен іс-шаралар жоспары әзірленді, көрнекі ақпаратпен тақырыптық стенд безендірілді. Келесі аз қамтылған және әлеуметтік жағынан қолайсыз отбасылардан оқушылардың пәтерлерін тексеру және рейдтер жүргізу кестесі әзірленді. Мектепке дайындықта көмекке мұқтаж оқушылардың деректер базасы жасалды. «Мектепке жол» акциясына қатысуға меценаттарға хаттар жазылып, таратылды. Аталған уақыт аралығында келесі оқушыларға көмек көрсетілді: 1-7 тамыз 2024 жыл: “Жаппай оқыту” қорынан мемлекеттік атаулы әлеуметтік көмек алатын отбасыларға Арынова Б.М., Кузнецова Н.В. әр балаға ақшалай көмек көрсетілді, барлығы -3 бала. Сонымен қатар мектебіміздің тұрақты демеушілері ТОО “СольХимПром”, КХ “Надежда” жыл сайын көп балалы отбасы балаларына рюкзак, оқушыларға мектепке қажетті құралдар, мектеп формасын сатып алады. 2024 жылдың тамыз айында демеушілер есебінен 4 балаға көмек көрсетілді.

Алғыс айту күніне орай өткізілген акцияларға 5-9 «А» сыныбы белсене қатысты.

Қайырымдылық күніне орай 1-4 «Б», 1-4 “А” сыныбының оқушылары барлық мұғалімдерге алғыстарын айтып, кішкентай сыйлықтар сыйлады. Қайырымдылық күніне орай мектебімізде «Жақсылық жасап жарысайық» тақырыбында жәрмеңке ұйымдастырылды. Жәрмеңкеге мектеп оқушылары, ұстаздар мен ата-аналар белсенді қатысты.

Қайырымдылық күніне орай Қарттарға көмек көрсету мақсатында 7 «А» сыныбының еріктілері зейнеткер Тайя апамызға барып, онымен уақыт өткізіп, қажетті көмектерін көрсетті.

«Табиғатқа қамқорлық жасаймыз» акциясы аясында «Таза Қазақстан» республикалық экологиялық акциясына мектеп ұжымы, кіші қызметкерлер мен ата-аналары және оқушылары белсенді қатысты. Іс-шара барысында мектеп аумағы, жақын маңдағы көшелер қоқыстан тазартылып, ағаштардың түптері әктеліп, көгалдандыру жұмыстары жүргізілді. Барлық қатысушылар өз үлестерін қосып, табиғатты қорғау мен экологиялық мәдениетті қалыптастыру жолында бірлесе еңбек етті. Бұл акция — тек тазалық сақтау ғана емес, сонымен қатар өскелең ұрпақты табиғатты аялауға баулудың тиімді жолы.

«Түлектердің ағаш егуі» экочелленджіне жыл сайын мектеп бітіруші түлектер (9 және 11 сыныптар) мектеп аулаларында ағаш отырғызады.

«ЕҢБЕГІ АДАЛ – ЖАС ӨРЕН» ЖОБАСЫ

Мақсаты: білім алушылардың әртүрлі мамандыққа деген қызығушылығын арттыру және еңбекқорлық идеясы арқылы құндылықтарды дәріптеу.

- «Күзгі асар» жәрмеңкесі
- Мамандықтар әлемі
- Мектептің әлеуметтік желісіндегі жарияланым

- «Мамандық марафоны» конкурсы

«КҮЗГІ АСАР – 2025» күзгі өнімдер жәрмеңкесі

«Біртұтас тәрбие» бағдарламасы аясында мектебімізде мектеп парламентінің мүшелерінің ұйымдастыруымен 1-11 сыныптар арасында «Күзгі асар» жәрмеңкесі ұйымдастырылды. Күзгі егіннің табиғи материалдары мен орман табиғатының көркем сыйларын пайдалана отырып, ата-аналармен бірге қолөнер бұйымдарынан жәрмеңке өтті. Күз уақыты молшылыққа толы болғандықтан мақсатымыз күздің берекелі, мерекелі кезін насихаттап, оқушыларды талғампаздыққа, еңбекқорлыққа баулу, балалардың қызығушылығын арттыру болды.

«Мамандықтар әлемі»

«Жұмысшы мамандықтар жылы» аясында мектебімізде «Еңбек адамы» фото-көрмесі ұйымдастырылды. Көрме аясында балалар өз ата-аналарын жұмыс орындарында түсіріп, олардың еңбек қызметінің сәттерін бейнеледі. Бұл тапсырма балаларға тек ата-аналарының атқаратын кәсіптерімен танысуға ғана емес, сонымен қатар еңбектің қоғам өміріндегі маңыздылығын түсінуге мүмкіндік берді.

«Мамандық марафоны» конкурсы

Аудандық деңгейде Величинская Людмила, Арынова Айгерим қатысты.

«SMART BALA» ЖОБАСЫ

Мақсаты: инновациялық жобалар конкурсы арқылы құндылықтарды дәріптеу

- «Startup» конкурсы – қатсысушылар жоқ.
- «Өнертапқыштыққа алғашқы қадам» конкурсы

1-11 сынып оқушылары экологияны тазарту, жасыл энергетика тақырыбында өз макеттерін көрсетті.

«ШАБЫТ» ЖОБАСЫ

Мақсаты: білім алушылардың шығармашылық әлеуетін ашу арқылы құндылықтарды дәріптеу

- Челлендж «Даналық ұстаздан»
- «Ұлттық мәдениет» көрмесі
- «Жас Сарбаз» әскери-патриоттық әндер фестивалі
- Мектеп театры
- «Ананың аялы алақаны» челлендж
- «Әншуақ» фестивалі
- «Домбыра күні» концерт және көрме

Челлендж «Даналық ұстаздан»

Мақсаты: білім алушылардың ұстазға деген құрметі мен сүйіспеншіліктерін арттыруға, еңбегін бағалауға үн қосу.

Челлендж «Ұстазым» әні (әні: А. Дүйсенов, сөзі: Б. Шомбеков) бастамасымен өткізілді. Орындаған: 7,8 «А» сынып оқушылары.

Мектепішілік «Ұстазға тағзым» онлайн құттықтау акциясына 1-11 сынып оқушылары қатысты. Акция барысында оқушылар өздерінің сүйікті ұстаздарына арналған жылы лебіздерін, шығармашылық жұмыстарын және видеокұттықтауларын жолдады.

Ұстаздар күніне орай 11 сынып түлектері «Дублер күнін» ұйымдастырды. Бұл күні оқушылар ұстаздарының рөлін өздеріне алып, сабақтарды жүргізді. Олар мұғалімдердің күнделікті жұмысына еніп, пәндер бойынша сабақ беріп, сыныптағы тәртіпті сақтауға тырысты. Дублер күнінің мақсаты – ұстаздардың еңбегін бағалау, олардың рөлін түсіну және білім беру процесіндегі жауапкершілікті сезіну болды.

«Ұлттық мәдениет» көрмесі

Мектебімізде Ұлыстың ұлы күні – Наурыз мерекесіне орай «Ұлттық мәдениет көрмесін» ұйымдастырылды. Бұл көрме қазақ халқының бай мәдениеті мен ұлттық құндылықтарын дәріптеуге арналды.

Мектебімізде Ұлыстың ұлы күні – Наурыз мерекесіне орай «Ұлттық мәдениет көрмесін» ұйымдастырылды. Көрмеге әр сыныптан оқушылар қатысып, қазақ халқының дәстүрлері мен салт-дәстүрлерін көрсететін түрлі экспонаттар мен қолөнер бұйымдарын, ұсынды. Мерекелік шара барысында оқушылар қазақтың ұлттық мәдениетін тереңірек танып-білуге мүмкіндік алды, өзара ынтымақтастық пен достық атмосферасы қалыптасты. Ұлттық құндылықтарды дәріптеу мақсатында өткізілген бұл іс-шара мектеп қауымдастығында үлкен қызығушылық тудырып, Наурыз мерекесінің рухын сезінуге септігін тигізді.

Мектебімізде аптаның әр жұмасы күні ұлттық киім күні деп бекітілді. Жұма күні оқушылар мен мұғалімдер қазақи стильдегі әртүрлі камзолдар мен шапандар, ұлттық бас киімдер киіп, әшекейлер тағып келеді..

«Ананың аялы алақаны» челленджі

«Ананың аялы алақаны» челленджі аясында барлық оқушылар өз аналарына арнап, бейнероликтер жасады. Бейнероликте ән орындау арқылы балалар аналардың мейірімі мен қамқорлығын дәріптеп, олардың еңбегін бағалаудың маңыздылығын түсінді.

«Әйелдер – әлемнің жүрегі» атты мектепішілік концерттік бағдарлама ұйымдастырылды. Концерт барысында оқушылар әндер орындап, өлеңдер оқып, би билеп, тамаша өнер көрсетті..

«Алғыс айту парызым» анаға деген шексіз сүйіспеншіліктерін білдіретін қысқа бейнероликтер түсірді!

«Анашым - мақтанышым!» атты мерекелік кездесу кеші өтті. Кездесу шығармашылық подиум форматында өткізілді. «Шығармашылық подиумы» - аналар өздерінің таланттарын, шеберліктерін және әртүрлі салалардағы кәсіби жетістіктерін көрсететін бірегей кездесу болды. Бұл тек кездесу ғана емес, сонымен бірге өзін-өзі көрсетуге, тәжірибе алмасуға және бір-бірін қолдауға арналған шабыттандыратын платформа. Барлық қатысушылар ерекше өнерлерін көрсетіп, кештің көрікті де әсерлі өтуіне ықпал етті. Бұл шараның қорытындысы бойынша аналардың шығармашылығы мен еңбегі жоғары бағаланып, дипломдармен марапатталды.

«Әншуақ» фестивалі

Фестиваль – жас вокалистер мен қазақстандық әртістердің қазақ тілінде балалар әндерін бірлесіп орындауы. Фестивальдің басты мақсаты – балалар әндерін қазақ тілінде насихаттау және тарату. Фестиваль тек қызығушылықты оятуға, көңіл көтеруге ғана емес, сонымен қатар қызығушылықты, ана тілімізді білуге деген ұмтылысты оятуға, өз Отанының күші мен ұлылығына деген мақтаныш сезімін нығайтуға арналған.

Челлендж қыркүйек-мамыр айларында #ӘНШУАҚ2025 хэштегімен Tik-Tok әлеуметтік желісінде қазақ тіліндегі балалар әндерінің жанды орындалған бейнесін орналастыру арқылы өткізілді. Осы атаулы фестивальге біздің мектептің 1-9 сынып оқушылар белсене қатысты.

«ҰШҚЫР ОЙ АЛАҢЫ» ЖОБАСЫ

Мақсаты: тілдік дағдыларды дамыту және тақырыптық талқылау арқылы құндылықтарды дәріптеу

- Дебат
- Зияткерлік ойындар

Дебат

«Ұшқыр ой алаңы» жобасы аясында біздің мектепте Дебат клубы жұмыс жасайды.

Клубтың мақсаты:

1. Оқушылардың сыни ойлау қабілетін және коммуникативтік дағдыларын дамыту.
 2. Дәлелді пікірталас жүргізу шеберлігін қалыптастыру.
 3. Белсенді азаматтық ұстанымды тәрбиелеу.
- Қыркүйек 2024ж. – Клубтың таныстыру жиналысы өтті, жаңа мүшелер қабылданды. Барлығы 13 оқушы клубқа тіркелді.
 - Қазан–қараша – Дебат құрылымы бойынша оқыту тренингтері ұйымдастырылды.
 - Желтоқсан – Мектепішілік дебат ойыны өткізілді: «Мектеп формасы: еркіндік пе, әлде қажеттілік пе?».
 - Қараша–мамыр – Ай сайынғы қалалық мектеп лигасының турнирлеріне тұрақты қатысу.
 - Қаңтар 2025 ж. – Мектепішілік дебат турнирлері өткізілді:
1. «Бұл палата жоғары сынып оқушылары үшін міндетті волонтерлік қызметті қолдайды».

2. «Бұл палата демократияда наразылық білдіру құқығы қоғамдық тәртіптен маңызды деп санайды».

3. «Бұл палата патриотизмді міндет емес, саналы ұстаным деп санайды».

Нәтижесінде:

- Клуб мүшелерінің сөйлеу және дәлелдеу қабілеттерінде айтарлықтай өсу байқалды.

- Интеллектуалды байқауларға қатысуға деген мотивация артты.

Зияткерлік ойындар

Мектепте зияткерлік ойындар жыл бойы тұрақты түрде ұйымдастырылып тұрады..
Мақсаты – оқушылардың логикалық ойлау қабілетін дамыту, командалық жұмыс дағдыларын қалыптастыру және білімдерін тереңдету.

Атап айтсақ: 25 қазан Қазақстан Республикасы күніне орай «Республикам-мақтанышым!» тақырыбында интеллектуалды ойыны, Тәуелсіздік күніне орай «Тарих білгірлері» викториналық ойыны, Наурыз мерекесінде «Асық ату», «Бес асық», «Аударыспақ» ұлттық ойындары және т.б.

Жаратылыстану-математикалық, әлеуметтік-гуманитарлық бағыт бойынша «Ақбота» интеллектуалды олимпиадасына биыл 7 оқушы, «Кенгуру-математика барлығы үшін» интеллектуальная олимпиадасына 5 оқушы қатысты.

«БАЛАЛАР КІТАПХАНАСЫ» ЖОБАСЫ

Мақсаты: кітап оқуға және білім алуға қызығушылықты қалыптастыру

- Әдеби кеш / кітаптар көрмесі / кітап кейіпкерлерінің конкурсы
- «Кітаптар айналымы» акциясы
- «Шын жүректен кітап сыйла!» челлендж

«Балалар кітапханасы» кітап оқуды дәріптеуге арналған жоба бойынша 2024-2025 оқу жылына арналған мектепішілік іс-шаралар жоспары бекітіліп жүзеге асырылуда.

2024 жылы елімізде қандай атаулы күндер мен мерейтойлар атап өтілетіні жайлы @kharkovshkola_75 инстаграм парақшасында жарияланған.

Тілдер мерекесіне орай «Тіл халықтың сезімі мен ойы», жазушы, ақын, сценарист Бердібек Соқпақбаевтың «Менің атым Қожа» шығармасы желісі бойынша, Михаил Лермонтовтың 210 жылдығына «Герой нашего времени» және т.б. тақырыпта кітаптар көрмесі ұйымдастырылды.

«Рахымжан Қошқарбаев. Рейхстагқа тігілген ту» тақырыптық, «Қазақстан – біздің ортақ үйіміз» патриоттық сағаты өтті. Менің атым Қожа» фильмін көргеннен кейін оқушылары үшін «Жұлдызды сағат» өткізілді, онда балалар жазушының өмірбаянымен танысып, сұрақтарға жауап берді.

«Кітаптар айналымы» бағдарламасы аясында мектеп буккроссингі кітап сөресі жұмыс жасайды. Ол жерде оқушылар өздеріне қажетті кітапты таңдай алады.

Тәуелсіздік күніне орай «Менің Тәуелсіз Қазақстаным» кітап көрмесі мектеп кітапханасында ұйымдастырылды.

Жаңа жыл мерекесін тойлау қарсаңында 1- 11 сынып оқушылары арасында «Әдеби шырша» сайысы өткізілді. Сайыстың мақсаты мен міндеттері - балалар мен ересектердің эстетикалық талғамы мен шығармашылық қабілеттерін дамыту, оқу кабинеттері мен мектепте жаңа жылдық мерекелік атмосфераны құру. Сайысқа оқушылар, мұғалімдер, ата-аналар да белсенділік танытып қатысты. Әр сынып бір әдеби шығарманы таңдап әдеби шығарманың сюжеті мен кейіпкерлерін қолдана отырып, жаңа жылдық ойыншықтар жасап, сынып терезелері мен шырша әшекейлеп, безендірді. Ойыншықтар кез-келген материалдан (тоқыма, ағаш, керамика, металл, картон, пластик және т. б.) жасалды. Соңында 1 минуттан аспайтын бейнеролик түсіріп, қандай шығарма негізінде безендірілгені туралы әңгімелеп берді. Осындай сайыс арқылы балалардың оқуға деген қызығушылығы арта түседі.

«КАНИКУЛДА КІТАП ОҚИМЫЗ» республикалық кітап оқу марафоны оқушылардың кітап оқуға деген қызығушылығын арттыру, бос уақытын тиімді ұйымдастыру, оқу сауаттылығын дамыту мақсатында «Каникулда кітап оқимыз» атты республикалық кітап оқу марафоны жыл бойы барлық каникул кезеңдерінде өткізіледі. Марафонға 1–11 сынып оқушылары түгелдей қатысады. Әр каникул сайын марафонның тақырыптық бағыты өзгеріп, қызықты форматта өтеді. Бұл оқушылардың жас ерекшелігі мен қызығушылығына сай жүргізіледі

«Балалар кітапханасы» жобасын іске асыру мақсатында қысқа каникул уақытында балалар демалыстарын босқа өткізбей «Қыста кітап оқимыз, жадымызға тоқимыз» атты республикалық челлендже қатысып кітап оқумен айналысты.

14 ақпан – Халықаралық кітап сыйлау күніне орай мектебімізде «Шын жүректен кітап сыйла» челленджі ұйымдастырылды. Челлендж барысында оқушылар өздерінің сүйікті кітаптарын таныстырып, олар туралы пікірлерімен бөлісті. Мектепте арнайы стенд ұйымдастырылып, онда әрбір қатысушының кітап сыйлаған сәті суретке түсіріліп, көрмеге қойылды. Сонымен қатар, мектептің кітапханашылары мен мұғалімдері оқушыларға кітап таңдауда көмек көрсетіп, әдебиет әлеміне саяхат жасауға шақырды. Челлендждің қорытындысы бойынша ең белсенді қатысушылар марапатталып, оларға арнайы сертификаттар мен сыйлықтар табыс етілді. «Шын жүректен кітап сыйла» челленджі – бұл тек қана кітап сыйлау емес, сонымен қатар достықты, ынтымақтастықты және білімге деген құштарлықты нығайтуға бағытталған тамаша мүмкіндік.

АЛДЫН АЛУ ШАРАЛАРЫ

- «Цифрлық әлемде қауіпсіз қадам» жобасы
- Буллингтен қорған!
- Ойынға салауатты көзқарас
- Өмірге салауатты қадам
- Қоғамдық мүлікті қорға!
- Қауіпсіз қоғам

АЛДЫН АЛУ ШАРАЛАРЫ

Бүгінгі таңда өскелең ұрпақты тәрбиелеу – білім беру жүйесінің негізгі бағыттарының бірі болып табылады. Осыған байланысты, Қазақстан Республикасы бойынша жүзеге асырылып жатқан «Біртұтас тәрбие» бағдарламасы аясында мектептерде түрлі алдын алу шаралары жүйелі түрде жүзеге асырылуда.

Алдын алу шараларының мақсаты – оқушылар үшін қауіпсіз білім беру ортасын қалыптастыру, оларда жауапкершілік, адамгершілік, құқықтық және қауіпсіздік мәдениетін дамыту.

Тәрбие жұмысының жоспарына сәйкес құқықбұзушылықтардың алдын алу мақсатында бірқатар іс-шаралар ұйымдастырылды. Атап айтқанда, жасөспірімдер арасында құқықбұзушылықтың, буллингтің, сыбайлас жемқорлықтың және діни экстремизмнің алдын алу бойынша сынып сағаттары мен кездесулер өткізілді.

Құқықбұзушылықтардың алдын алу жұмысы бірнеше бағытта жүргізілді. Мектептің әлеуметтік желілерінде, сондай-ақ оқушылар мен ата-аналар чаттарында балалардың құқықтарын қорғау тақырыбында жадынамалар мен материалдар жарияланды. Мектеп ішінде ақпараттық стендтер мен сенім телефондарының нөмірлері орналастырылды.

Оқушылар мен ата-аналарға педагогикалық әлеуметтік көмек көрсету, бала құқықтарының бұзылуы және басқа да мәселелер бойынша қолдау көрсету жұмыстары жүргізілді.

2024–2025 оқу жылында есепте тұрған оқушылар саны:

Мектепішілік есепте тұрғандар – 0, оқу жылының соңында 0 оқушы.

Тәуекел топтағы оқушылар – , аудандық ІІБ есебінде тұрғандар – 0

«Цифрлық әлемде қауіпсіз қадам» жобасы

Жоба аясында оқушылардың ақпараттық қауіпсіздік, кибермәдениет және кибергигиена мәселелері бойынша білімдері мен дағдыларын қалыптастыруға бағытталған бірқатар іс-шаралар өткізілді. Атап айтсақ:

- Ақпараттық қауіпсіздік негіздері бойынша дәрістер ұйымдастырылып, оқушылар парольдерді қорғау, әлеуметтік желілерде қауіпсіз мінез-құлық ережелерімен танысты.

- Кибермәдениет пен интернет-этика тақырыптарында пікірталастар өткізіліп, оқушылар онлайн ортада әдептілік пен сыйластықтың маңызын талқылады.

- Арнайы шақырылған мамандар мен психологтар кибергигиена қағидаларын түсіндіріп, жеке деректерді қорғау және цифрлық қауіпсіздік бойынша тәжірибелік кеңестермен бөлісті.

5«Б» және 5 «А» сынып оқушыларымен «Интернет желісіндегі менің қауіпсіздігім» тақырыбында сабақ өткізілді. Сабақтың мақсаты – теориялық білімді тәжірибелік тапсырмалар мен пікірталас арқылы бекіту болды.

««Цифрлық әлемде қауіпсіз қадам» жобасы оқушылардың цифрлық сауаттылығын қалыптастыруда маңызды кезеңге айналды. Жоба аясында өткізілген іс-шаралар оқушылардың киберқауіптер туралы хабардарлығын арттырып, интернеттегі ақпаратқа сыни көзқараспен қарауға және сақтық шараларын ұстануға үйретті. Мамандардың қатысуы мен сабақтардың тәжірибелік бағыты оқушыларға цифрлық ортада жауапкершілікпен әрекет етудің маңызын тереңірек түсінуге мүмкіндік берді.

Буллингтен қорған!

Буллингтің алдын алу мақсатында оқушылар арасында қарым-қатынас дағдыларын дамытуға, эмоцияларды басқаруға және жанжалдарды шешуге бағытталған ойындар, әңгіме сағаттары мен сынып сағаттары өткізілді. Іс-шаралар барысында оқушылар өз эмоцияларын тануға, оларды басқаруға және тиімді түрде білдіруге үйренді.

Буллингтің алдын алу және білім алушыларды қорғау үшін Б.І. Алтынсарин атындағы ЖОБМ мектепте және оқу орындарында кешенді ақпараттық-түсіндіру жұмыстары жүргізілуде. Атап айтсақ “Оқушылар арасында буллингті алдын-алу”, “Буллингтен қорған” тақырыбында тәрбие сағаттары. “Жасөспірімдер арасында буллинг түрлері” тақырыбында жадынмалар таратылды.

2024 жылдың 25 қараша - 10 желтоқсан арасында “Гендерлік зорлық-зомбылыққа қарсы іс-қимылдың 16 күні” акция шеңберінде “Мен бағалаймын...” тақырыбында бір-бірімізді достықты, үлкендердің көмегін бағалауға шақыратын видеоролик түсірілді. “Как построить мир без насилия” тақырыбында эссе жазды. “Біз зорлыққа қарсымыз” сурет байқауы өткізілді.

“Біртұтас тәрбие” бағдарламасын іске асыру жоспары негізінде, қараша айы “Әділдік және жауапкершілік” айы 5-11 сынып оқушылары арасында “Менің әрекеттерім үшін жауапкершілік” ойын өткізілді. Ойын барысында оқушылар топқа бөлінді, сұрақ - жауап ойынына қатысты, ертегілер желісі бойынша туындаған жағдайлар бойынша сұрақтарға жауап берді және әндер арқылы өздерінің жасырылған құқықтарын тапты. Оқушылар өте белсенді болды.

Сонымен қатар мектеп 2024 жылдың қазан айында 20 мұғалім “Буллинг - причины, формы, профилактика” атты тақырыпта курс өтті.

Өмірге салауатты қадам

Жасөспірімдер арасында синтетикалық есірткілердің таралуын алдын алу мақсатында түсіндіру жұмыстары жүргізілді. Осы жұмыстың барысында сынып жетекшілер жасөспірімдерге синтетикалық есірткілердің психикалық және физикалық денсаулыққа әсері туралы жан-жақты ақпарат берілді. Оқушыларға есірткіге тәуелділіктің нақты мысалдары, осы тәуелділіктен туындайтын әлеуметтік мәселелер және өмір сапасының төмендеуі туралы айтылды. Сондай-ақ, есірткінің өмірге, қоғамға және отбасыларға тигізетін салдарлары туралы нақты оқиғаларды баяндаған бейнероликтер көрсетілді. Сонымен қатар, денсаулықты сақтаудың маңыздылығын көрсету мақсатында түрлі шаралар жоспарланып, өткізілді. Спорттық жарыстар, дұрыс тамақтану туралы дәрістер, стресске қарсы жаттығулар мен релаксация әдістері, есірткілердің зияны туралы ақпараттық кампаниялар арқылы жасөспірімдер арасында дені сау өмір салтын қалыптастыруға бағытталған іс-шаралар ұйымдастырылды.

Барлық осы шаралар жасөспірімдердің денсаулығына жауапкершілікпен қарауын қалыптастыруда және есірткі тәуелділігінің алдын алуда маңызды қадам болды.

Негізгі шаралар:

- «Сенің қауіпсіздік жолың» нашақрлықтың алдын алу шаралары
- «Біз зиянды әдеттерсіз әлемді қолдаймыз», атты 7-11 сынып арасында сынып сағаттар;
- «Барлығымыз бірге бәрін жеңеміз» антинаркотикалық квест өткізілді.

Құқықбұзушылықтың алдын алу шаралары

Оқушылардың құқықтық мәдениетін қалыптастыру, құқықтық санасын арттыру және қауіпсіз білім беру ортасын қамтамасыз ету мақсатында мектепте жоспар құрылып, жоспар ясында бірқатар шаралар ұйымдастырылуда. Іс-шаралардың мақсаты — құқықбұзушылықтың алдын алу, заңға бағынатын мінез-құлықты қалыптастыру, сондай-ақ мектеп, ата-аналар мен құқық қорғау органдары арасындағы ынтымақтастықты нығайту.

Мектепте өткізілген негізгі шаралар:

- Жасөспірімдердің құқықтары мен міндеттеріне, жеке және қоғамдық қауіпсіздік мәселелеріне арналған дәрістер мен тренингтер өткізілді.
- Құқықтық мәдениетті арттыруға бағытталған викториналар мен конкурстар ұйымдастырылды. ысалы, 7,8 «А» сыныбында «Балалық шақ — ең жақсы кезең!» атты танымдық ойын-сауық конкурсы өткізілді.

5-9 “Б” сынып оқушылары «Жасөспірім және заң» құқықтық квест-ойынына қатысып, құқықбұзушылықтар мен қылмыстардың алдын алу мәселелері бойынша білім алды.

- Учаскелік инспектор А. Асайнов ұйымдастырған құқықбұзушылықтың алдын алу бойынша лекция оқушыларға жасөспірімдер арасындағы құқықбұзушылықтардың алдын алу мәселелерін түсіндірді.

Ата-аналармен және қоғаммен жұмыс:

Құқықбұзушылықтардың алдын алу мәселелері бойынша ата-аналар жиналыстары мен мектеп кеңесінің отырыстары үнемі өткізіліп тұрады. Мектептің айналасындағы шағынауданда және жақын маңдағы аумақта рейдтер ұйымдастырылып, «Ерекше бақылаудағы топта» тұрған оқушылардың үйлері тексеріледі.

Мектептің әлеуметтік желілерінде әр апта сайын жасөспірімдер арасындағы қылмысқа қарсы профилактика тақырыбы бойынша ақпараттық материалдар, соның ішінде аудио және бейнемазмұндар жарияланып отырады.

Қорытындылай келе құқықтық білім беру мен құқықбұзушылықтардың алдын алу бойынша жүйелі жүргізілетін жұмыс оқушыларда тұрақты құқықтық білім, жауапкершілік сезімі және заңға деген құрмет қалыптастыруға ықпал етеді. Құқық қорғау органдарының, медициналық қызметкерлердің, еріктілердің, педагогтардың және ата-аналардың осы процессіне қатысуы тәрбиелік әсерді күшейтіп, әрбір оқушының жеке тұлғасын дамыту үшін мектепте қолайлы және қауіпсіз орта құруға мүмкіндік береді.

ҚАУІПСІЗДІК ШАРАЛАРЫ

Қауіпсіздік – білім беру мекемесіндегі басты басымдықтардың бірі. Павлодар облысының білім басқармасы, Ақтоғай ауданы білім бөлімінің «Ыбырай Алтынсарин атындағы жалпы орта білім беру мектебі» КММ оқушылар мен қызметкерлердің өмірі мен денсаулығын қорғау, төтенше жағдайлардың алдын алу және тәртіпті қамтамасыз ету мақсатында жүйелі қауіпсіздік шаралары жүзеге асырылады.

- Мектеп ғимараты бейнебақылау камераларымен толық қамтылған;
- Кіреберісте кезекші қызметкер жұмыс істейді;
- Өрт қауіпсіздігі талаптарына сай жабдықтармен қамтамасыз етілген (өрт сөндіргіш, дабыл құрылғылары);
- Апаттық шығу есіктері мен эвакуация сызбалары орнатылған.
- Ғимарат күнделікті тазаланып, желдетіліп тұрады;
- Балаларға арналған жеке санитарлық гигиена құралдары жеткілікті;
- Асханада санитарлық нормалар қатаң сақталады.
- Интернет желісінде киберқауіпсіздік ережелері түсіндіріледі;
- Оқушыларға желідегі қауіптер мен алаяқтардан сақтану жолдары үйретіледі.
- Сынып сағаттарында «Жолда жүру ережелері» бойынша үнемі ақпарат беріледі;
- Мектеп жанында жаяу жүргіншілер өткелі бар;
- Мектеп инспекторы оқушылармен кездесулер ұйымдастырып тұрады.
- Мектепте психолог маманы жұмыс істейді;
- Қиындыққа тап болған оқушыларға жеке көмек көрсетіледі;
- Достық, өзара сыйластық, буллингтің алдын алу тақырыптары көтеріліп тұрады.
- «10 минуттық қауіпсіздік» сабақтары тұрақты түрде өткізіледі;
- «Қауіпсіз терезе», «Қауіпсіз интернет», «Бейтаныс адаммен қарым-қатынас», «Судағы қауіпсіздік» секілді және т.б. ақпараттық жадынамалар таратылады.

Мектеп әкімшілігі, сынып жетекшілері және ата-аналар тығыз байланыста жұмыс істей отырып, әрбір баланың қауіпсіздігін қамтамасыз етуге күш салады. Атап айтсақ:

2024 жылдың қыркүйек айында мектебімізде «БАЛА ҚАУІПСІЗДІГІ – ҚОҒАМ КЕЛЕШЕГІ» тақырыбында педагогикалық ұжым арасында маңызды жалпы жиналыс өткізілді. Жиын барысында білім беру ұйымындағы оқушылардың қауіпсіздігін қамтамасыз ету мәселелері кеңінен талқыланды. Күн тәртібінде «Балалардың қауіпсіздігін қамтамасыз ету шараларын өзектендіру» мәселесі қаралып, балалардың денсаулығы мен өміріне қауіп төндіретін түрлі жағдайлардың алдын алу бағытындағы жүйелі жұмыстар жүргізу қажеттігі атап өтілді. Жиналыста «Біртұтас тәрбие» бағдарламасы аясында балалар қауіпсіздігіне бағытталған құндылықтарды насихаттау, сонымен қатар әлеуметтік жобалар мен нақты тәжірибелер негізінде жүргізілетін іс-шаралардың маңыздылығы ерекше назарға алынды. Сонымен қатар, күнделікті өткізілетін 10 минуттық қауіпсіздік сабақтарының мазмұнын байытып, оларды сапалы әрі тиімді ұйымдастыру қажеттігі қозғалды. Ұжым мүшелері оқушылардың құқықтары мен қауіпсіздігін қамтамасыз ету – баршамыздың ортақ міндетіміз екенін тағы да бір мәрте атап өтті.

«БАЛА ҚАУІПСІЗДІГІ – ҚОҒАМ КЕЛЕШЕГІ» тақырыбында ата-аналар жиналысы өтті. Жиынның басты мақсаты – балалардың қауіпсіздігін қамтамасыз етуге ата-аналар қауымын кеңінен тарту, құқықтық сауаттылықты арттыру және қоғамда орын алуы мүмкін жағымсыз

жағдайлардың алдын алу шараларын талқылау болды. Күн тәртібінде келесі маңызды мәселелер қаралды:

- «Бала қауіпсіздігі – қоғам келешегі» тақырыбында балаларды жан-жақты қорғаудың маңыздылығы айтылды; - «Қазақстан Республикасының Әкімшілік құқық бұзушылықтар туралы кодексі» бойынша ата-аналарға түсіндірме жұмыстары жүргізілді; - Қылмыстың алдын алу бағытында жергілікті құқық қорғау органдарымен бірлескен әрекеттер туралы мәлімет берілді; - Мектепте оқушылар арасында бұрыш спрейін қолданудың алдын алу шаралары, оның салдары мен заңдық жауапкершілігі талқыланды; - Алаяқтықтың алдын алу, интернет және телефон алаяқтары жайлы ақпарат беріліп, сақтық шаралары ұсынылды; - Зиянды әдеттердің алдын алу – темекі, электронды темекі, энергетикалық сусындар мен басқа да зиянды заттардың бала ағзасына кері әсері туралы айтылды; - «Біртұтас тәрбие» бағдарламасы аясында балалардың қауіпсіздігіне бағытталған құндылықтарға негізделген іс-шаралар мен әлеуметтік жобалар таныстырылды.

БАЛАЛАРДЫҢ АҚПАРАТТЫҚ ҚАУІПСІЗДІГІ – БҮГІНГІ КҮННІҢ МАҢЫЗДЫ МӘСЕЛЕСІ!
Цифрлық ғасырда бала санасына кері әсер ететін ақпарат көздері жылдан-жылға артып келеді. Осыған орай «Балалардың ақпараттық қауіпсіздігін қамтамасыз ету ережелері: ата-аналарға кеңестер» тақырыбында жадынамалар таратылды.

Бұл жадынамада келесі маңызды кеңестер қамтылды:

- Баланың интернеттегі уақытын шектеу;
- Қауіпсіз сайттар мен қосымшаларды пайдалану;
- Әлеуметтік желілердегі жеке ақпаратты қорғау;
- Кибербуллингтің алдын алу жолдары;
- Балаға интернеттегі этикалық нормаларды үйрету.

Дүниежүзілік балалар күнін мерекелеу аясында мектептің 7,8 «А» сынып оқушылары бастауыш сыныптағы кішкентай достарына арнап қауіпсіздік ережелері туралы бейнеролик дайындады. Аталған бейнематериал бастауыш сынып оқушыларына қарапайым тілмен, қызықты әрі танымды форматта ұсынылды. Оқушылар бейнероликті ерекше қызығушылықпен тамашалап, өздерін мазалаған сұрақтарға жауап алды.

Қазіргі таңда балалардың ашық терезеден құлап кету фактілері қоғамда үлкен алаңдаушылық тудыруда. Бұл – көп жағдайда ата-аналардың қауіпсіздік шараларына салғырт қарауынан орын алатын қайғылы жағдай. Осыған орай, Павлодар облысының білім басқармасы, Ақтоғай ауданы білім бөлімінің «Ыбырай Алтынсарин атындағы жалпы орта білім беру мектебі» КММ тарапынан «Қауіпсіз терезе» тақырыбында, сыныптық ата-аналар жиналысы өткізіліп, ақпараттық жадынамалар таратылып, ата-аналар мен оқушыларға түсіндіру жұмыстары жүргізілді. Жадынамалар мектептің ресми әлеуметтік желілері мен ата-аналар қауымдастығының мессенджер топтары арқылы таратылды. Мақсаты – әрбір отбасында баланың қауіпсіздігіне деген жауапкершілікті арттыру, ата-аналар мен балалардың ақпараттық сауаттылығын күшейту. Оқу жылы бойындағы күзгі, қысқы, көктемгі және жазғы демалыс – балалар үшін қуаныш пен демалыс уақыты ғана емес, сонымен қатар түрлі қауіптерден сақтануды қажет ететін маңызды кезең. Осы орайда ата-аналар мен оқушыларды каникул кезіндегі қауіпсіздік ережелерімен жүйелі түрде таныстыру жұмыстары жүргізіледі. Ата-аналарға арналған түсіндірме жұмыстары барысында мына мәселелерге ерекше назар аударылады: Жол-көлік оқиғаларының алдын алу; Электр құралдарын қауіпсіз пайдалану; Мұзда сырғанау, от жағу, суға түсу кезіндегі қауіпсіздік; Бейтаныс адамдармен байланысқа түспеу; Интернет пен әлеуметтік желілердегі ақпараттық қауіпсіздік; Төтенше жағдайларда қалай әрекет ету керек. Оқушылармен сынып сағаттары мен әңгіме сабақтарында төмендегі тақырыптар қозғалады: «Менің қауіпсіз демалысым», «Жолда жүріп-тұру мәдениеті», «Электр қуаты – досың ба, дұшпаның ба?», «Жазғы демалыста судағы қауіпсіздік», «Киберқауіпсіздік ережелері» және т.б.. Сонымен қатар, мектептің ресми сайтында және әлеуметтік желі парақшаларында жүйелі түрде ақпараттық жадынамалар мен бейнероликтер жарияланып, ата-аналар мен балалардың қауіпсіздікке деген жауапкершілігі күшейтілуде.

КҮНДЕЛІКТІ, АПТАЛЫҚ ЖӘНЕ АЙЛЫҚ ШАРАЛАРДЫҢ ӨТУІ

«Күй күмбірі» — бұл қазақтың дәстүрлі күйлерін меңгеруге, ұлттық музыка мәдениетін дәріптеуге бағытталған тәрбиелік және оқу іс-шарасы. Бұл шараның мақсаты — балаларға қазақтың музыкалық мұрасын таныстыру, олардың ұлттық өнерге деген қызығушылығын арттыру. Балалар үзіліс уақытында күй тыңдап, күйдің тарихымен танысып, күйлердің

түрлерімен танысуға мүмкіндік алады. Олардың арасында халық күйлері, композиторлардың шығармалары және әртүрлі орындаушылық стильдер бар. Бұл шара барысында балалар күйдің шығу тарихы, оның маңызы мен мәні туралы ақпарат алады, сондай-ақ күйдің эмоциялық әсерін сезінеді. Мектеп радиосы арқылы Құрманғазы, Тәттімбет, Дәулеткерей күйшілерінің шығармашылығы туралы ақпарат таратылды. Шара барысында балалар күйді орындау әдістерімен танысып, өздері де күй орындауға мүмкіндік алады. Бұл оларға музыкалық аспаптармен жұмыс істеу дағдыларын меңгеруге және өздерінің шығармашылық әлеуетін ашуға көмектеседі.

«Үнемді тұтыну»

2025 жылдың 22 наурызында жергілікті уақыт бойынша сағат 20:30-дан 21:30-ға дейін бүкіл әлемде «Жер сағаты» халықаралық экологиялық акциясы өтті. Павлодар облысының білім басқармасы, Ақтоғай ауданы білім бөлімінің «Ыбырай Алтынсарин атындағы жалпы орта білім беру мектебі» КММ бұл жаһандық бастаманы қолдап, «Қамқор» облыстық жобасы аясында оқушылар, ұстаздар және ата-аналардың қатысуымен белсенді түрде атсалысты. Акция барысында мектеп ұжымы мен оқушылар белгіленген уақытта өз үйлерінде жарық пен электр құрылғыларын өшіріп, табиғатқа жанашырлық танытты. Сынып сағаттарында «Жер сағаты» акциясының маңызы мен мақсаты туралы түсіндіру жұмыстары жүргізілді; - Оқушылар арасында экологиялық тақырыптағы сурет байқауы, суды, жарықты және қағазды үнемдеу тақырыбында түсіндірме жұмыстары жүргізіледі; Оқушылар мен ата-аналарға арналған экобуклеттер мен бейнероликтер мектептің әлеуметтік желілерінде жарияланды.

АТА-АНАЛАРДЫ ҚОЛДАУ ОРТАЛЫҒЫ

2023-2024 оқу жылының есебі:

«Ата-аналарды педагогикалық қолдау орталығы» жұмысын ұйымдастыру, қызметін жүзеге асыру бойынша бұйрық құрылды, мектеп ұжымымен және ата-аналармен түсіндіру жұмысы жүргізілді, әр түрлі жастағы: 1–4 сынып; 5–9 сынып; 10–11 сынып оқушыларының ата-аналары үшін сабақтар жоспары жасалды. Сабақтары кестеге сәйкес, әр түрлі формаларды қолдана отырып, жеке өткізілді. Атап айтсақ: «Ата-ана, ұстаз, оқушы: болашаққа бағытталған ынтымақтастық» атты жалпы мектепшілік ата-аналар форумы өтті. Ата-аналардың психологиялық-педагогикалық білімге қажеттілігін анықтау мақтасында ата-аналар арасында сауалнама жүргізілді. Отбасы, әйелдер және балалардың құқықтарын қорғау мәселелері бойынша «AMANAT 111» біріңғай мемлекеттік байланыс орталығы жайында постерлер мектеп сайтына, Instagram, Facebook парақшаларына жүктелді және мектептің 1 қабатында ата-аналар үшін арнайы стенд ресімделген.

12 қыркүйек күні Павлодар облысының білім басқармасы, Ақтоғай ауданы білім бөлімінің «Ыбырай Алтынсарин атындағы жалпы орта білім беру мектебі» КММ «Ата-ана, ұстаз, оқушы: болашаққа бағытталған ынтымақтастық» атты жалпы мектепшілік ата-аналар форумы өтті. Форум барысында мектеп басшысы Дитц Руслан Яковлевич Білім министірлігі бекіткен «Біртұтас тәрбие» бағдарламасымен және «Ата-аналарды педагогикалық қолдау орталығы» жобасымен таныстырды.

Ата-аналарға педагогикалық қолдау көрсету орталығының жұмысын бағалау бойынша ата-аналармен сауалнама жүргізілген болатын. Сауалнама қорытындысы: 31 ата-ана сауалнамаға жауап берген. Сауалнама сұрақтары	Қорытынды
Ата-аналарға педагогикалық қолдау көрсету орталығындағы сабақтардың мазмұны сіз үшін қызықты болды ма? (Бес балдық жүйемен бағалаңыз, мұнда «1» саны мүлдем қызық емес, «5» саны өте қызықты).	1 балл – 1% 2 балл – 0% 3 балл – 5% 4 балл – 16% 5 балл - 78 %
Ата-аналарға педагогикалық қолдау көрсету орталығындағы оқыту сапасын бес балдық жүйемен бағалаңыз.	1 балл – 0% 2 балл – 0% 3 балл – 3% 4 балл – 13% 5 балл - 84 %
Алынған ақпараттың жаңалығын бес балдық шкала бойынша бағалаңыз	1 балл – 0% 2 балл – 0%

	3 балл – 9% 4 балл – 25% 5 балл - 66 %
Сіз алған біліміңізді балаларыңызды тәрбиелеуде қолданасыз ба?	Иә, қолданамын – 70% Жоқ, қолданбаймын – 0% Мүмкін қолданамын/Ішінара – 30%
Ата-аналарды педагогикалық қолдау орталығының қызметін жетілдіру бойынша тілектеріңізбен бөлісуіңізді сұраймыз	
Продолжать так же развивать различные темы взаимоотношения, родителей с детьми, с одноклассниками, был очень интересный форум👍 Желаю успехов в совершенствовании деятельности центра Всё было очень интересно. Хотелось бы чтобы и с учителями предметниками, провести не большое собрание. Мне кажется многие захотят задать вопросы и узнать мнение как с их стороны проходит период адаптации с детьми., и на что обратить внимание. Интересно, познавательно, достаточно много полезной информации Процветания вам Побольше таких центров. Чтобы родители могли прийти и получить помощь от педагогов. Помочь своим детям , в адаптации в школе и в других направлениях. Развития и благополучия центру. Спасибо за проявленный интерес к нашим детям Хотелось бы больше контакта с учителями Спасибо за проделанную работу, было очень информативно и при этом кратко Желаю удачи в ваших делах и начинаниях)	

АТА-АНАЛАРДЫ ҚОЛДАУ ОРТАЛЫҒЫ

2024–2025 оқу жылының есебі:

2024 жылдың 5 қыркүйегі күні мектебімізде отбасы күні аясында «Саналы ата-ана» тақырыбында ата-аналармен кездесу өтті. Мектеп психологы Шынболат Е. жиналыстың басында жағымды көңіл-күй қалыптастыру мақсатында “Ата-ана махаббаты” атты ойын жаттығу өткізді. Кездесуге “Сенімен болашақ” ата-ана қолдауының бала үшін маңыздылығын ерекше атап, баланың ең бірінші қолдаушылары мен қорғаушылары ата-ана екенін айтып өтті.

2024 жылдың 13 қыркүйегі күні баланың физикалық және психикалық денсаулығын сақтау факторы ретінде ата-аналардың ұйқыға құндылық қатынасын қалыптастыру мақсатында ата-аналар арасында «Сапалы ұйқы: балалардың дамуы мен денсаулығының іргетасы» тақырыбында кездесу болды.

2024 жылдың 18 қазаны балалардың салауатты өмір салтының құрамдас бөлігі ретінде ата-аналардың тамақтану мәдениетін қалыптастыру мақсатында ата-аналар үшін «Салауатты тамақтану әдеттерін қалыптастыру» сабағы өтсе;

2024 жылдың 5 желтоқсаны ата-аналар үшін «Есте сақтауды дамыту» тақырыбында сабақ өтті. Мақсаты: Ата-аналардың жасөспірімдердің есте сақтау қабілетін белсенді қолдауға және ынталандыруға дайындығын арттыру. Ата-аналарға топтық жұмыс жасатып, сұрақ-жауап, диалог, әр түрлі ситуациялық сұрақтар қойылды.

2024 жылдың 19 желтоқсаны күні ата-аналарға «Зейін – алғырлықтың алғышарты» тақырыбында кезекті жиналыс ұйымдастырылды. Сабақтың мақсаты: Бала тұлғасының тәрбиесінде ата-аналарға қолдау көрсетіп, педагогикалық және психологиялық кеңестер беру. Жиналыста зейін, зейіннің түрлері, қасиеттері, зейін жетіспеушілігінің белгілері туралы айтылып, house жағдайында қолдануға болатын ойлау мен зейінді дамытуға арналған ойын-жаттығулар жасауға кеңестер берілді.

Ата-аналар арасында «Логикалық ойлауды үйрету» тақырыбында сабақ өтті. Сабақ барысында балалардың логикалық ойлау қабілеттерін арттыру үшін әр түрлі басқатырғыштар, жұмбақтар, ойындар арқылы дамыту түрлері жайлы кеңестер беріліп, ата -аналар өздері де логикалық ойындар ойнап уақыттарын көңілді пайдалы өткізді.

Ата-аналар арасында «Балалардың сыртқы деструктивті әсерлерге төзімділігі» тақырыбында сабақ өтті. Мақсаты: Ата-анаға БАҚ-тың теріс әрекеттері, экстремизм сияқты және т.б. сыртқы деструктивті әсерлерге баланың төзімділігін қалыптастыруды үйрету.

10А сыныбында «Жасөспірімнің ұйқысы мен психикалық денсаулығы» тақырыбында кездесу өтті. Мақсаты: баланың физикалық және психикалық денсаулығын сақтау факторы ретінде ата-аналардың ұйқыға құндылық қатынасын қалыптастыру.

Ата-аналарға «Балаңыз төтенше жағдайға дайын ба?» тақырыбында кездесу өтті. Кездесу барысында ата-аналарға төтенше жағдайлар кезінде балалардың қауіпсіздігін қамтамасыз ету жолдары, алғашқы көмек көрсету ережелері және төтенше жағдайларда дұрыс әрекет ету тәсілдері түсіндірілді.

Бұл шара балалардың қауіпсіздігін қамтамасыз етуде ата-аналардың рөлін күшейтуге, олардың төтенше жағдайларға дайындық деңгейін арттыруға бағытталды.

Әлеуметтік желі мен мессенджерлер арқылы ата-аналарға психологиялық кеңестер, тәрбиелік бейнежазбалар тұрақты түрде жолданып отырды.

2023–2024 | 2024–2025

Шаралар саны - 9 |9

Белсенді ата-аналар саны - 31 |35

Қамтылған сыныптар - 1–11 | 1–11

2024–2025 оқу жылында ата-аналармен жұмыс сапасы артты, тартылған ата-аналар саны көбейді, тәрбиелік және психологиялық қолдау мазмұны кеңейді. Бұл мектеп пен ата-аналар қауымдастығы арасындағы ынтымақтастықтың арта түскенін көрсетеді.

АҚПАРАТТЫҚ ЖӘНЕ МЕДИА ҚОЛДАУ

«Біртұтас тәрбие» бағдарламасын насихаттау және іске асыру барысын ақпараттық қолдау мақсатында жүйелі түрде медиа кеңістікте белсенді жұмыс жүргізілуде. Атап айтқанда, мектептің ресми сайты мен әлеуметтік желілердегі парақшаларында жүргізілген іс-шаралар, тәрбиелік бағыттағы жобалар мен ашық сабақтар тұрақты түрде жарияланып отырады.

Әлеуметтік желілердегі белсенділік:

- Facebook, Instagram, TikTok платформаларында аптасына кемінде 3-4 рет жариялым жасалып отырды;
- Әрбір жариялым 150-500 адаммен қамтылады;
- Фотосуреттер мен бейнежазбалар арқылы ақпаратты көрнекі әрі тартымды етуге басымдық беріледі;
- Оқырмандардан жағымды пікірлер мен бөлісулер саны артып келеді, бұл аудиторияның қызығушылығы жоғары екенін көрсетеді.

Белсенді жариялымдар мектептің ішкі өмірін насихаттауға, оқушылардың жетістіктерін көрсетуге және қоғаммен тығыз байланыс орнатуға септігін тигізеді.

«Біртұтас тәрбие» бағдарламасын жүзеге асыру барысындағы қиындықтар:

- 1) Сынып жетекшілерінің тәрбие жұмысын сапалы ұйымдастыруға уақыты жетпей жатады. Сонымен қатар, бағдарламаның мазмұны мен талаптарын толық меңгермеген педагогтар да баршылық
- 2) Ата-аналармен байланыстың әлсіздігі. Тәрбиенің негізгі бөлігінің отбасында қалыптасатынына қарамастан, ата-аналардың кейбірі мектеппен тығыз қарым-қатынас орнатуға құлықсыз.
- 3) Оқушылардың мотивациясының төмендігі. Цифрлық ғасырдың әсерінен кейбір оқушылардың тәрбие жұмысына деген қызығушылығы төмен.

Туындаған қиындықтарды шешу жолдары

- 1) Сынып жетекшілерге арналған тренингтер, семинарлар, шеберлік сағаттарын жүйелі түрде өткізу;
- 2) Мектеп пен ата-аналар арасындағы өзара сенімді қарым-қатынасты қалыптастыруға бағытталған жобаларға тарту;
- 3) Тәрбие жұмыстарының мазмұнын заманауи тәсілдермен (ойындар, тренингтер, челленджер, квесттер) ұйымдастыру;